

2 MAR. 2018



Inatsisartunut ilaasortaq
Aaja Chemnitz Larsen, Inuit Ataqatigiit
/-Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

**Nunanut allanut naalakkersuinikkut periusissaq nassuiaallu pillugit § 37
naapertorlugu apeqqutip nr. 068_2018-ip akineqarnera**

Ulloq /Dato: 23-02-2018
Suliap normua 2018 - 5276
Akt. nr. 7368891

Asasara Aaja Chemnitz Larsen

Postboks 1614

3900 Nuuk

Naalakkersuisut nunanut allanut naalakkersuinikkut periusissaannut
nassuiaataannullu tunngatillugu ulloq 16. februar 2018 apeqquteqarsimavutit.
Apeqqutit uannut akineqartussanngortinneqarsimapput.

Qqarasuaat (+299) 34 50 00

Fax (+299) 34 54 10

E-mail: nap@nanoq.gl

www.naalakkersuisut.gl

**1. Naalakkersuisut isumaqarnerlutik eqeersimaartumik nunanut allanut
nutartertuartumik sillimaniarnissamut tunngavilersuisoqassasoq?**

Akissut: Ukiumoortumik nunanut allanut naalakkersuinikkut nassuiaammik
suliaqartoqartarpoq, tassanilu Naalakkersuisup akisussaasup nunanut allanut
naalakkersuinikkut suliai angusaalu nassuiaaffigineqartarlutik. Suliarineqartut
suliassa qarfirmi aalajangersimasumi ineriartornerit assersuussiffigalugit
Naalakkersuisut pingaarnerusutigut pingaarnersiunerit ingerlaavartumik
nalilersuiffiginerisigut aalajangiiffigineqartarput.

Nunanut Allanut politikkimut tunngatillugu Naalakkersuisut nutaamik
iliuusissanik pilersarusiornerannut atatillugu allaffissornermut tunngasortaa
siulleq maanna aallartinneqareerpoq.

**2. Sillimaniarnermut tunngatillugu anguniakkani suut piviusunngorpat,
suullu sulii naammassinngillat?**

Akissut: Nunanut allanut naalakkersuinikkut periusissaq 2011-meersoq
suliassa qarfinnik arlalinnik anguniagassanik pingaarnernik piviusorsiorturnillu
imaqarpoq. Suliassa qarfiit ukunaniittut pingaarnernit taasaqarfigissavakka.
Nunanut allanut sillimaniarnikkullu naalakkersuinikkut suliassa qarfirmut
tunngatillugu Ilulissani isumaqatigiissut, Naalagaaffiit Peqatigiit Imartanut
Pisinnaatitaaffiit pillugit Isumaqatigiissutaat allallu maleruagassat
attuumassutillit aallaavigalugit Issittumi eqqissineq tunngavigalugu
suleqatigiittoqarnissaa Naalakkersuisut pingaartittuarsimavaat. Tamannaluuna
tunngavigalugu Naalakkersuisut danskit naalakkersuisui peqatigalugit Ilulissani
isumaqatigiissutip ukiumik ataasinngortorsiornera nalliussiniaraat. Nunavissuup
toqqavia pillugu suliniut pissusissamisoortumik aamma ingerlanneqarsimavoq,
maannalu suliat tassunga attuumassutillit tunniunneqareersimapput. Kiisalu
suleqatigiiffiusinnaasut assigiinngitsut pillugit Canadamik oqaloqatiginninnerit
ingerlajuarput.

Niuernerup tungaatigut Naalackersuisut atorfilittai nunanut allanut ministeeriaqarfiup Brexit Task Froce-anut peqataatinneqarput. Tamatuma saniatigut EU-mi Kalaallit Nunaata Sinniisoqarfiata aamma EU-mi Danmarkip Sinniisoqarfiata akornanni ullut tamaasa ataqatigiissaarisooqartarpoq. Suliarlu pillugu Kalaallit Nunaanni suliassaqarfiit assigiinngitsut pillugit aamma oqaloqatigiinnerit ingerlanneqarput. Tunisassiat nunani tamalaani pisiarineqarnerusarnissaat, nunatsinnilu aningaasaliisoqarnissaa qulakkeerniarlugit Naalackersuisut arlaleriarlutik angalasarsimapput suliniutinillu arlalinnik aallartitsisarsimallutik. Suliniutit ilarpassui sivisuumik ingerlasussaapput, sulilu ingerlanneqarlutik. Tamatuminnga nukittorsaaqataasussatut ilimagineqartoq tassaavoq Islandimi 2018-ip ingerlanerani sinniisoqarfimmik pilersitsinissaq.

Naalackersuisut Issittumi Siunnersuisooqatigiinni suli suliniutitigut peqataaqataalluarput - atorfilittatigut, immikkut ilisimasalitsigut naalackersuinikkullu. Tamakkulu pineranni Washingtonimi sinniisoqarfimmik pilersitsisoqarpoq, taannalu aqutigalugu USA-mik Canadamillu nunanik marlunnik suleqateqarneq kiisalu issittumik nunanik tamanik suleqateqarneq nukittorsarneqarpoq.

Kalaallit Nunaata nammineq suleqatigisatut pingaarutilittut isigineqarnissaa qulakkeerniarlugi Kalaallit Nunaata EU-mi Nunallu Avannarliit iluanni suleqataajuarnissani aalajangiusimajuarpaa. Nunani Avannarlerni Ministerit Siunnersuisooqatigiivini issittumi suleqatigiittoqarnissaa pillugu programmimi suliniutinut kalaallit peqataalluarsimapput.

3. Naalackersuisut isumaqarnerlutik sillimaniarnerup tunngavigissagaa nunani allani qanoq pisoqarnersoq?

Akissut: Suliassaqarfimmi pineqartumi nunat tamalaat qanoq iliuuseqarniarnerat Naalackersuisut nunanut allanut naalackersuinikkut iliuuseqarniarnerannut sunniuttarpoq. Taamatuttaaq Naalackersuisut nunat tamalaat arlallit, nunat arlallit najugaqarfiillu suleqatigiinnerinut arlalinnut namminneerlutik peqataapput, suleqatigiinnermilu isummersortarfinni pineqartuni sammineqartunut isummersortarnissaq pisussaaffiuvoq.

4. Takorloorneqarsinnaava Naalackersuisut nunanut allanut isittup ersarinnerusumik inissisimanissaa sulissutigissagaa? Uani pineqarpoq nunani allanut sillimaniarnermut tunngatillugu nassuiaasoqartariaqarnerpa? Soorlu takorloorneqarsinnaava Naalackersuisut piffimmi aggersumi Issittumi Sillimaniarneq sulissutigissagaa?

Akissut: Kunneqarfiup Issittumut Periusissaa 2011-2020-mut atuuppoq, Naalackersuisullu periusissamik taarsiissallutik ulloq manna tikillugu siunertaqanngillat. Kalaallit Nunaata periusissaaq aqutigalugu sunik angusaqarsimanera eqqarsaatigeqqajaanarpoq. Tamannalu pissutigalugu

Naalakkersuisut Kunngaqarfik pillugu issittumi ataatsimoorussamik periusissami nutaami ilaatilernissaat eqqarsaataajuarpoq.

Kalaallit Nunaat issittumi nunatut inissisimareermat Naalakkersuisut nunanut allanut naalakkersuinikkut periusissaat issittumi suliaasaqarfinnut tunngatillugu nunani tamalaani oqallifinni qanoq piniarnerannut tunngaviliisussaavoq. Kalaallit Nunaat Issittumut ilaalluinnartuuvoq, taamaammallu Naalakkersuisut isumaqarput - Kunngaqarfimmut Danmarkimut ataatsimoortumik periusissami Kalaallit Nunaata soqutigisai naammattumik soqutiginnissaat periarfissaanngippat - Kalaallit Nunaata nammineerluni nunanut allanut politikeqalernissaa pisariaqartinneqalissaaq.

Taamaattoqarniarpullu issittumi pisariaqartitat naapertorlugit soqutigisat periusissarlu nassuiarneqartariaqassapput.

Issittumillu suleqateqarneq tassaavoq, Nunanut Allanut politikkip taamatut piujuartussamik tunaartalersugaanerata nassataanik Kalaallit Nunaata pingaarutilimmik toqqammavigisassaa.

5. Qanoq annertutigisumik Naalakkersuisut nunanut allanut sillimaniarnerup inissisimanerata nassuiarnissaata ilanngullugu sammissagaa nunanut allanut sumiikkaluarnersunut nioqquteqarneq niueqatigineqarnerlu?

Naalakkersuisut naalakkersuisooqatigiinnissamik isumaqatigiissutaanni taaneqarpoq Kalaallit Nunaata aalisarnermi tunisassiornermilu avammut nioqquteqarnini ineriartortitsiffigisagaa.

Nunanik sanilerisatsinnik qaninnernik niueqateqarnerput annertusartariaqarparput, Kalaallillu Nunaata nunanik allanik aalisarnikkut niueqateqarnini siuarsarlugu. Kiisalu Kalaallit Nunaata nioqqutissiaasa immikkuullarissut pilerisaartigineranni immikkuullarissuunerput allaanerunerpullu immikkut sammisariaqarput.

Taamaammatt periusissaliortoqarniarpat Naalakkersuisut nunanik attuumassutilinnik niueqateqarsinnaanerisa ilanngunnissaa ukkatarineqassasoq isumaqarnarpoq.

Inussiarnersumik inuulluaqqusillunga


Suka K. Frederiksen